

Dálkkasbuhtadusat ja áššiid dikšun apoteaikkas

Čoahkkáigeassu rávagirjjážis Rávvagat dorvvolaš dálkkasdikšui

1.1.2024

Gos sáhtán oastit dálkasiid?

Suomas dálkasiid oažžu dušše apoteaikkas. Apoteaikkas oažžu reseaptadálkasiid, maid doavttir lea mearridan. Apoteaikkas oažžu maiddái iešdikšundálkasiid ja dikšunreaidduid.

Apoteaikkas rávvejít, mot dálkasat ja dikšunreaidduut geavahuvvojít.

Nubbi olmmoš sáhttá viežžat du dálkasiid apoteaikkas. Áššiid dikšun nuppi olbmo beales lihkostuvvá, jus nuppi olbmos leat mielde báberhámis du pasieantarávvagat dahje du Kela-koarta. Doavttir lea addán pasieantarávvaga, go leat fitnan doaktáris.

Iešdikšundálkasiid geavahanráva lea pakeahtas. Reseaptadálkasiid lea liibmejuvpon ráva, mas lea doaktára addin ráva dálkasa geavaheapmái.

Šattango máksit buot dálkasiid ieš?

Suomas it dávjá másse ieš olles hatti doaktára mearridan dálkasiin. Kela máksá buhtadusa dálkasiin, maid doavttir lea mearridan reseapttain. Oaččut du dálkasis Kela-buhtadusa dábálaččat juo apoteaikkas. Buot dálkasiin ii oaččo Kela-buhtadusa.

Dálkasiid sáhttá leat vuodđobuhtadus dahje sierrabuhtadus. Dálkkasbuhtadusain lea maiddái oassi, mii máksojuvvo jahkásaččat ieš. Dat lea 50 euro. Oassi, man ferte ieš máksit, ii guoskka vuollil 19-jahkásaš mánáide.

Jus geavahat olu dálkasiid maidda leat buhtadusat, de oassi man ferte ieš máksit, sáhttá rasttildit jagis nu gohčoduvvon dálkkashadderájá, mii lea sullii 600 euro. Dálkkashadderádjá lea eanemus mearri, man móvssát jagis dálkasiin. Dan maŋŋá loahppajagi móvssát dušše 2,50 euro dálkasis, masa lea buhtadus. Sáhtát jearrat lassidieđuid dálkkasbuhtadusain apoteaikkas. Váldde apoteikii álo mielde iežat Kela-koartta dahje báberhámis pasieantarávvaga.

Man dávjá dálkasiid sáhttá viežžat apoteaikkas nu, ahte dat buhtaduvvojít?

Oaččut hávális apoteaikkas eanemusat
3 mánottbaji dálkkasmeari. Dat
mearkkaša 90 beaivvi dikšunáiggi.

Iežat dálkasa juogadanrávvagis rehkenastojuvvo, man galle
dálkkaspakehta Kela buhtada hávális. Oaččut apoteaikkas
easka dan manjá lasi dálkasiid mat buhtaduvvojít, go leat
geavahan masá oalát dálkasa man leat oastán mannan háve.

Maid mearkkaša dálkkasmolsun?

Apoteaikkas lea geatnegasvuhta muitalit
dutnje, jus apoteaikkas lea nuppi
dálkkasfitnodaga seammalágan dálkkas,
mii lea hálbbit.

Oaččut dán dálkasa apoteaikkas, jus
háliidat. Dat lea dutnje govttolaš. Jus it
háliit molsut dálkasa, šattat ieš máksit
dálkasiid haddeerohusa divrasabbo ektui.

Maiddái doavttir sáhttá gieldit molsumis. Dalle oaččut
buhtadusa dálkasa olles hattis.

Dálkkasmolsun lea dorvvolaš.
Nuppi dálkkasfitnodaga seammalágan
dálkkas sistisdoallá seammá olu seammá
váikkuheaddji ávdnasa.

Mii lea Omakanta?

Omakanta lea álmoga neahttabálvalus.
Oainnát doppe suoma- ja ruotagillii, maid
dieđuid dearvvašvuodafuolahus lea čállán du
ja iežat dálkasiid birra. Beasat bálvalussii
Kanta-bálvalusaid neahttiäidduin ja
čujuhusas omakanta.fi.

Loga lasi: [Rávagirjjáš dorvvolaš dálkkasdikšui](#)



LUOTETTAVAN
LÄÄKETIEDON
PUOLESTA
Lääkeinformaatioverkosto